

Edizione diplomatico-interpretativa

DAlfi yeu vos uuelh derryner vos el comte gui- o. que en aquesta sazón. vos fezetz bon guerrier. e vos iurastes anzmey. \e/ portastes me tal fey. com an alengri raynart. que sembles de polh liart.	I. Dalfi yeu vos vuelh derryner, vos e·l comte Guio, que en aquesta sazón vos fezetz bon guerrier. E vos iurastes anz mey e portastes me tal fey com a N'Alengri Raynart, que sembles de polh liart.
Vos me laysas- tes aydier. por a- mor de gaerdo. e car sauies en chi- no. non a argan ni deniers. e vos voles hom darmas richei e <i>queus</i> port fey. e ie suy chiche coart. sieus uiretz al autra part.	II. Vos me laysastes aydier por amor de gaerdo, e car savies en Chino non a argan ni deniers; e vos voles hom d'armas richei, e <i>que·us</i> port fey, e ie suy chiche coart: sieus viretz al altra part.
En cor vos vuell \demander/. dussoyre si vos yert bo. ni sen pren- des uentazo. nin logaretz soudadiers. mas vna <i>ren</i> vos au- trei. si beus falsas de la ley. bon guerrier al estandart. troba- retz lo rey richart.	III. En cor vos vuell demander d'Ussoyre, si vos yert bo, ni se·n prendes ventazo ni·n logaretz soudadiers. Mas una ren vos autrei, si beus falsas de la ley: bon guerrier al estandart trobaretz lo rey Richart.
Ie vos vi al comansier. large de <i>gran</i> messiõ. mas puy troues ochaizon. que per fortz chastieus la- ugier. laysastes don e domnei. e cortz e segre torney. tor- nietz en say naves regart. que franse son longobart.	IV. Ie vos vi al comansier large de gran messiõ; mas pueys troves ochaizon que per fortz chastieus laugier, laysastes don e domnei, e cortz e segre torney, tornietz en say n'aves regart que franse son longobart.

- letto 3102 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-614>